



Concello de Ames



Concello de Brión



Concello de Dodro



Concello de Padrón

CONVENIO DE COLABORACIÓN PARA A XESTIÓN COMPARTIDA DA PROMOCIÓN TURÍSTICA AGRUPACIÓN DE CONCELLOS DA RUTA ROSALIANA "AS PEGADAS DE ROSALÍA"

REUNIDOS:

Os alcaldes dos seguintes concellos:

Don Anxo Rei Arca, con DNI 78799831Z, Alcalde do concello de Padrón (CIF P1506600D) que actúa en nome desta entidade.

Don José Blas García Piñeiro, con DNI 52454964Z, Alcalde do concello de Ames (CIF P1500200I) que actúa en nome desta entidade.

Don Pablo Lago Sanmartín, con DNI 78799089P, Alcalde do concello de Brión (CIF P1501300F) que actúa en nome de esta entidade.

Don Xabier Castro Tourís, con DNI 78780773T, alcalde do concello de Dodro (CIF P1503300D) que actúa en nome desta entidade.

Todos en nome e representación do seu concello, en virtude do disposto no artigo 21 da Lei 7/1985, do 2 de abril, reguladora das bases de réxime local (LBRL) e artigo 61 da Lei 5/1997, do 22 de xullo, reguladora da Administración local de Galicia (LALGA).

Os reunidos actúan no exercicio dos seus cargos e, na representación que ostentan, recoñécense capacidade para obrigarse nos termos do presente convenio e, para o efecto,

EXPOÑEN:

Primeiro.- A Lei 7/1985, do 2 de abril, reguladora das Bases do Réxime Local (LBRL), no seu artigo 25 establece que o municipio, para a xestión dos seus intereses e no ámbito das súas competencias, pode promover toda clase de actividades e prestar cantos servizos públicos contribúan a satisfacer as necesidades e aspiracións da comunidade veciñal. O municipio exercerá, en todo caso, competencias nos termos da lexislación do Estado e das Comunidades Autónomas.

O artigo 80 da Lei 5/1997, do 22 de xullo, reguladora da Administración Local de Galicia (LALGA), regula que o municipio, para a xestión dos seus intereses e no ámbito das súas competencias, poderá promover toda clase de actividades e prestar todos os servizos públicos que contribúan a satisfacer as necesidades e aspiracións da comunidade de veciños. O municipio exercerá, en todo caso, competencias nos termos da lexislación do Estado e da Comunidade Autónoma; entre outras, en materia de prestación de servizos sociais.

Segundo.- De acordo co disposto no artigo 11 da Lei 40/2015, do 1 de outubro, de réxime xurídico do sector público, existe a posibilidade de realización de actividades de carácter material ou técnico da competencia dos órganos administrativos dun concello por encomenda a outros concellos cando existan razóns de eficacia ou cando non se posúan os medios técnicos idóneos para o seu desempeño.

Terceiro.- No artigo citado no punto anterior, establécese que a formalización da encomenda de xestión debe realizarse mediante a sinatura do correspondente convenio.

Cuarto.- A Constitución recolle no artigo 103 que a Administración debe actuar de acordo, entre outros, cos principios de eficacia e coordinación. Nesa liña, é necesario impulsar medidas relativas á xestión eficaz e eficiente dos recursos dispoñibles, co obxecto de poder continuar prestando ou prestar os servizos aos cidadáns en condicións de calidade e que satisfagan as súas necesidades, sendo preciso minimizar custos e XESTIONAR DE FORMA COMPARTIDA nas actuacións públicas. A prestación dos servizos públicos, o seu fomento e a promoción das actividades esixe un elevado custo, tanto de instalación, adquisición coma de funcionamento e xestión que fai necesaria a colaboración entre distintas administracións locais, coa finalidade de poder prestar á veciñanza unha actividade e un servizo que na actualidade se considera imprescindible como medio de mellora nas relacións cos mesmos.

Quinto.- Neste sentido, é preciso optimizar os recursos económicos das administracións locais mediante fórmulas innovadoras que permitan a xestión compartida na prestación dos servizos públicos que neste caso se concreta no presente convenio de prestación do servizo/s.

Sexto.- Tanto a LBRL como a LALGA e a Lei 40/2017, do 1 de outubro, de réxime xurídico do sector público, recollen

ao longo do seu articulado o principio xeral de colaboración interadministrativa.

Sétimo.- Por todo o anterior, a xestión compartida de servizos configúrase como unha solución para prestar ou continuar prestando determinados servizos públicos, polo que os concellos asinantes ACORDAN a XESTIÓN COMPARTIDA de investimentos, eventos, iniciativas turísticas, actuacións ou calquera tipo de accións e actividades promocionais da AGRUPACIÓN DE CONCELLOS DA RUTA ROSALIANA 'AS PEGADAS DE ROSALÍA', mediante o presente convenio segundo as seguintes:

CLÁUSULAS

Primeira.- Obxecto

O obxecto do presente convenio é fixar as principais liñas de colaboración así como a coordinación, dirección, xestión, financiamento, organización e funcionamento da AGRUPACIÓN DOS CONCELLOS DA RUTA ROSALIANA 'AS PEGADAS DE ROSALÍA' que se prestará de forma compartida entre os concellos sinalados anteriormente, cuxos alcaldes asinan o presente documento.

Segunda.- Ámbito territorial

O ámbito territorial da xestión compartida das accións será o correspondente aos concellos sinalados na primeira páxina deste documento.

Terceira.- Obxectivos de colaboración

O presente convenio baséase no principio xeral de colaboración interadministrativa, para a efectividade da coordinación e eficacia administrativa, que se concreta en:

- ✓ Promover o desenvolvemento turístico dos Concellos que pertencen á Ruta Rosaliana "As Pegadas de Rosalía", achegando a cooperación destas institucións locais e contando co apoio da Deputación Provincial da Coruña, da Comunidade Autónoma de Galicia, a Administración do Estado e Mancomunidades, ou calquera outra administración.
- ✓ Promover a defensa e mellora do Patrimonio material e inmaterial da Ruta Rosaliana "As Pegadas de Rosalía" e/ou da figura de Rosalía de Castro.
- ✓ Planificar e desenvolver iniciativas de desenvolvemento sostible do territorio da Ruta Rosaliana "As Pegadas de Rosalía".
- ✓ Canalizar a promoción turística da Ruta Rosaliana "As Pegadas de Rosalía", así como a elaboración de programas turísticos e medioambientais.
- ✓ Desenvolver relacións de reciprocidade entre os Concellos e territorios, fomentando e propoñendo iniciativas concretas que favorezan incrementos do movemento turístico, a implantación nos mercados nacionais e internacionais e a identidade de conxunto do territorio entre as grandes rutas viaxeiras do mundo.
- ✓ Incluír este proxecto no marco dos programas da Unión Europea e/ou doutras institucións, destinados a axudar a novas iniciativas que potencien os destinos turísticos europeos e que precisen da súa presentación de forma conxunta e coordinada.
- ✓ Planificar actuacións turísticas e de difusión de imaxe conxunta, que se corresponda cos intereses dos membros desta Asociación.
- ✓ Participar e colaborar activamente cos plans da Deputación Provincial da Coruña, da Comunidade Autónoma de Galicia e da Administración do Estado neste territorio.
- ✓ Representar aos Concellos da Ruta Rosaliana "As Pegadas de Rosalía" en cantos proxectos, convenios, acordos ou similares de carácter público ou privado se orienten ao cumprimento destes obxectivos e fins.
- ✓ Procurar a unión de iniciativas que en materia de desenvolvemento e promoción da Ruta Rosaliana "As Pegadas de Rosalía" leven a cabo outros organismos públicos e privados.
- ✓ Fomentar o contacto e relación con outras entidades de natureza análoga que teñan entre os seus fins a promoción e defensa da Ruta Rosaliana "As Pegadas de Rosalía", a figura de Rosalía de Castro e/ou o Patrimonio material e inmaterial que a rodea.

Cuarta.- Xestión compartida

A xestión compartida das accións desenvoltas pola agrupación de concellos da Ruta Rosaliana 'As Pegadas de Rosalía' será realizada polo concello sinalado no anexo e incluírá todo o relacionado con aspectos materiais, técnicos ou de servizo (sexa tramitación administrativa, instalación, reparación e mantemento de infraestruturas, xestión de persoal, xestión de axudas, etc.).

Esta encomenda non supón cesión da titularidade da competencia nin dos elementos substantivos do seu exercicio, sendo responsabilidade do concello encomendante ditar cantos actos ou resolucións de carácter xurídico dean soporte ou nos que se integre a concreta actividade material obxecto da encomenda.

Este convenio abrangue tamén a posibilidade de contratación por un dos concellos, na forma que se sinale, de todas as actividades ou prestacións necesarias para o funcionamento e xestión do servizo/acción compartida, actuando como órgano de contratación de acordo co artigo 116.5 da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, no que se regula o financiamento dos contratos con achegas de distinta procedencia de tal xeito que se tramitará un só expediente de contratación polo concello ao que corresponda a adxudicación do contrato, debendo acreditarse naquel a plena dispoñibilidade de todas as achegas e determinarse a orde do seu pagamento.

Quinta.- Comisión Mixta-Coordinación

Para facilitar o seguimento, cumprimento e a coordinación do convenio constituirase unha Comisión Mixta, sen prexuízo das competencias atribuídas aos respectivos alcaldes, integrada por dous representantes de cada concello, á que poderán asistir técnicos deles.

Reunirase en sesión constitutiva na semana seguinte á sinatura do convenio e rexerase polo establecido na Lei 40/2015, do 1 de outubro, de réxime xurídico do sector público.

Ditará as súas propias normas de funcionamento, debéndose reunir coa regularidade que acorden as partes.

As súas principais funcións serán:

- O seguimento da xestión compartida das accións promocionais.
- Elaborar o orzamento anual.
- A elaboración das súas normas internas de xestión.
- A interpretación do convenio.
- A proposta, se é o caso, de addendas.
- Intervención previa á resolución por incumprimento.
- Resolver cantas dúbidas se lle presenten polos membros integrantes.
- Calquera outras relacionadas coa xestión compartida das accións promocionais.

Sexta.- Subvencións e axudas

Para a xestión compartida das accións ACÓRDASE a solicitude de convenios, subvencións e axudas convocadas por calquera administración ou entidade.

Para os efectos de formular solicitude de acordo co disposto na orde, reflíctense no ANEXO, as condicións concretas de acordo coas condicións da xestión establecidas ou as que especificamente se acorden, así como o nomeamento do representante único dos concellos convenientes, con poderes suficientes para cumprir as obrigas que, como beneficiarios, corresponden aos concellos asinantes.

Sétima.- Financiamento

Os concellos comprométese a garantir un financiamento suficiente e estable para unha eficaz e eficiente prestación do servizo asociado. Para estes efectos habilitarán as aplicacións orzamentarias necesarias que serán certificadas polo/a interventor/a do concello no prazo dun mes dende a sinatura do presente convenio, en consonancia co orzamento

elaborado pola Comisión Mixta.

As cotas ordinarias terán carácter anual e serán determinadas en canto á súa contía pola Comisión Mixta no mes de outubro de cada anualidade. Para o exercicio 2023, ano de fundación, a achega de cada membro da agrupación de Concellos da Ruta Rosaliana 'As Pegadas de Rosalía' será como máximo de 2.000 €. Todo isto sen prexuízo de que se poda establecer cotas extraordinarias ou outras achegas que consideren necesarias, así como nos exercicios posteriores. Estas achegas terán un límite máximo de 1.000 € por anualidade.

Todos os anos, ao comezo do exercicio deberán certificarse as aplicacións orzamentarias destinadas ao correcto financiamento do servizo xestionado de xeito compartido.

A Comisión Mixta establecerá no último trimestre de cada ano as previsións das necesidades de financiamento do servizo e dará traslado a cada concello.

O reparto será a partes iguais entre os concellos asinantes.

Os concellos deberán transferir nun prazo non superior a dous meses dende o comezo do exercicio orzamentario a cantidade que lle corresponda ao concello que realiza a xestión ordinaria que deberá elaborar unha conta xustificativa composta cando menos de memoria xustificativa e económica, copia das facturas e demais gastos, informe de intervención do cumprimento da finalidade e certificado do secretario da relación de gastos e declaración de axudas, procedéndose ao reintegro en caso contrario.

Oitava.- Causas de resolución

O presente convenio resolverase polas seguintes causas:

- a) Denuncia unilateral con preaviso de tres meses ou mutuo acordo
- b) Por incumprimento total ou parcial dalgunha das estipulacións que o regulan
- c) Polo vencemento do prazo de vixencia

No caso de resolución, cada concello recuperará os medios persoais e materiais adscritos ao desenvolvemento do obxecto do convenio.

Novena.- Vixencia do convenio

Entrará en vigor o día seguinte ao da súa sinatura e estenderá a súa vixencia durante a totalidade do período de execución ata 31 de decembro de 2023 e prorrogándose automaticamente cada ano senón hai denuncia por ningunha das partes.

Décima.- Natureza do convenio

O presente convenio ten natureza administrativa e as discrepancias que xurdan pola súa aplicación serán resoltas pola comisión de seguimento, quedando as partes suxeitas á xurisdición contencioso-administrativa para a resolución de calquera conflito.

Décimo primeira.- Normativa aplicable

En todo o non previsto expresamente polo presente convenio estarase ao disposto na lexislación aplicable segundo a materia obxecto do convenio.

Décimo segunda.- Protección datos de carácter persoal.

As partes asinantes virán obrigadas en materia de protección de datos a cumprir co Regulamento (UE) 2016/679 do Parlamento Europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais e a libre circulación destes datos, a Lei Orgánica 3/2018, do 5 de decembro, de Protección de Datos Persoais e garantía dos dereitos dixitais (en diante, LOPDGDD) e demais disposicións vixentes sobre a materia, adoptando as medidas que resulten necesarias para cumprir as súas previsións e, en particular, para garantir a seguridade e integridade dos datos e a súa protección fronte a alteracións, perdas, tratamentos ou accesos non autorizados.

O Concello designado no Anexo ostentará a condición de encargado de tratamento dos datos de carácter persoal aos que teña acceso con motivo da execución das actividades encomendadas

Décimo terceira.- Xurisdición competente

Os conflitos que se susciten en desenvolvemento do presente convenio serán coñecidos, en primeira instancia, pola Comisión Mixta, en caso de non chegar a un acordo, as partes someterán as cuestións litixiosas ao coñecemento dos tribunais da orde xurisdiccional contencioso-administrativa

En proba de conformidade co expresado neste convenio, asínase polas partes comparecentes, e para un só efecto, no lugar e data que se sinalan na cabeceira.

E en proba de conformidade, asinan o presente convenio.

ANEXO AO CONVENIO DE COLABORACIÓN PARA A XESTIÓN COMPARTIDA DA PROMOCIÓN TURÍSTICA DA AGRUPACIÓN DE CONCELLOS DA RUTA ROSALIANA "AS PEGADAS DE ROSALÍA".

Concello designado para a solicitude, xestión e xustificación de subvencións, contratación de subministracións, servizos ou obras, contratación de persoal e demais tramitacións administrativas.	Concello de Padrón
Representante para os efectos de presentación da solicitude de subvención, coordinación e interlocución coa entidade pertinente.	Anxo Rei Arca (78799831Z)

Alcalde do concello de Padrón



Anxo Rei Arca

Alcalde do concello de Ames



Jose Blas Garcia Pinero

Alcalde do concello de Brión



Pablo Lago Sanmartín

Alcalde do concello de Dodro



Xabier Castro Tourís

2000 6
2000 6
2000 6
2000 6
2000 6

2000 6
2000 6
2000 6
2000 6
2000 6